

# Азиз ва ягонаман, ягонажон Ўзбекистоним!

O'zingni anglala!

## HURRIYAT

1996-yil dekabr  
dan chiqa boshlagan

MUSTAQIL GAZETA

№ 37  
(1099)  
2018,  
5-SENTYABR  
chorshanba  
hurriyat.uz

Чақа қишлоқ  
ҳангомалари

Ёзувчи Сайид АНВАР  
галстук борлаш  
санъати ҳақида



6

### 2 → “Ақл маркази”нинг халқаро эътирофи

“Тараққийёт стратегияси” маркази бир қатор халқаро таҳлил марказлари билан ҳамкорлик меморандумларини имзолади.

### 3 → “Қора пул узра можаро қилса”

Пулсираган одам умуман бу соҳага яқин йўламаслиги лозим. Моддий даромадни устун билган корчалон албатта миллий анъаналаримиз, урф-одатларимизни пайҳон қилади.

### 4 → МАЪНАВИЙ ҲАЁТ

журнали  
газетамиз меҳмони

## Шижоатли одам

Ўзбекистон халқ бахшиси Бахшиқул ТОҒАЕВнинг ҳаёт достонидан бир боб

Бўйи дўмбира баравар боланинг дўмбира чертиб, минг йиллар аввал ажодлари айтган дostonни куйлаётганини кўрганда кўнглингиздан нималар ўтади? Муқаддас қадриятларнинг заволи билмаслигимиз? Балли, уларнинг барҳаётлигини таъминлаб келаётган воситачилар эса дили некбин, тили эркин бахшилардир.

Сирожиддин ИБРОҲИМ  
журналист

“Бу дунёлар ёш бўлганда ўтган у савдолар” (Қодир бахши ибораси — С.И.) ҳикоятини кўз ўнгимизда кинодан ҳам яхшироқ жонлантириб берувчи бахшилар элу юрт кўнглининг суявчиларидир. Бахшили эл ёвларга қарши мардона курашган. Эҳтимол, бутун бир ўлка мардумларининг ёвқурлигини фақат бахшичиликка боғлаш тўғри бўлмас, лекин халқ оғзаки ижоди, хусусан дostonлар эр йигитлар қалбини тарбиялашда кучли восита бўлган.

Шеробод бахшичилик мактабининг асосчилари бўлган бахшилар улуг анъанани давом эттириб, халқнинг маънавий меросини асрларга елкалаб ўтиш ва эл орасига ёйиш учун муносиб издошлар тайёрлаганлар. Издошлар эса гоҳ тўй-у томошаларда, гоҳ хос давраларда дoston куйлаб, қалбларга миллий қадриятларимизга меҳру муҳаббат уруғини экиб келмоқда.

Президентимиз Шавкат Мирзиёевнинг фармонида биноан Ватанимиз мустақиллигининг 27 йиллиги арафасида бобобахшилар издоши Сурхондарё вилояти Қумқўрғон туманидаги “Сурхон тонги” ашула ва рақс бадий ҳаваскорлик жамоаси бахшиси Бахшиқул Тоғаев “Ўзбекистон халқ бахшиси” унвони билан тақдирланди.

Сурхондарёда бу хушбарни эшитган журналист зоти оёққа қалқиди. Бахшини излаган мухбирларни тизсангиз бир саф бўлади. Лекин мухбир зотининг саф бўлиб юрганини қаерда кўргансиз? Бири бахшини у томон тортса, бири бу томон тортди. Биз ҳам пайт пойлаб, уни юрти Қумқўрғонда тутдик. Қулоқ қоқмай бахшининг ўз ҳаётидан айтган ҳикоясини тингладик. Аҳён-аҳёнда савол билан “қитиқлаб” турганимиз ҳам чин.



Шолазиз ШОХИДОВЕВ фотоси

## Аъло баҳога ўқиш — орзуимиз, ўйимиз!

Ўктам АБДУЛЛАЕВ  
“Hurriyat” мухбири

Одатда байрам кунлари тақвимларда алоҳида рангларда кўрсатилади. Лекин шундай кунлар борки, тақ-

вимларда байрам белгиси кўйилмаган бўлса-да, кўпчилик, айниқса болалар уни интиқлик билан кутиб ола-

ди. Ўша кунни ота-оналар, болалар ва момоларнинг ташвиши, ширин ташвишлари ортади.

Балли, севдингиз, бу янги ўқув йилининг бошланиши. Худди шу кунни энди-

гина равон гапиришни ўрганган болакайлар жажжи қўлларига ручка тутиб, ҳаёт алифбосини ўрганишни бошлайдилар.

Шу кунни улар учун истиқбол эшикларини очилиб, мурғак қалбларида орзулар куртак ёзади. Ватан деган муқаддас тушунчани англаш, фарзандлик бурчини ҳис қилишдек завқли, масъулиятли фасл бошланади.

2

## КЕЙИНГИ СОНЛАРДА:

Қароқчилар маконидан — жозибадор мамлакатгача

Қандай қилиб мамлакат имижини юксалтириш мумкин?

Келиши осон, кетиши қийин

Кўпчилик куз ёки баҳор келаверса хавотирга туша бошлайди: бурни оққан, кўзи ёшланган, йўталган, терсига тошма тошган ёшу қари кўпаяди.


Сўз мўъжизаси

Разалда шоир нозик фазоҳат ила бутун борлиқ коинотдан туртиб энг митти заррагача шеърга доҳил эканини тасдиқлайди.

Инсон инсондай яшаса

Ўша юрт одамлари бир пайтлар ўз мамлакатини иқтисодий инқироздан кутқариш учун қимматбаҳо тақинчоқ ва буюмларини давлатга топширган экан.

## Мумтоз санъатнинг қадимий илдиизи



Kup.uz saytidan

Президентимиз ташаббуси билан эртага Шаҳрисабз шаҳрида Халқаро мақом санъати анжумани бошланади. 10 сентябргача давом этадиган анжуманга юртимизда пухта ҳозирлик кўрилди. Ўзбекистон халқ ҳофизини, “Дўстлик” ордени соҳибини Ҳасан РАҲАБИЙ билан ЎзА мухбирининг суҳбати мақом санъатининг тарихи, ривожланиши, жаҳон мумтоз мусиқасидаги ўрни ҳақида бўлди.

Дилобар МАМАТОВА  
ЎзА мухбири

— Мақом — ўзбек мумтоз мусиқаси дурдонаси дейишли бежиз эмас. Ушбу санъатнинг шакллани-

ниш тарихи ҳақида нима дея оласиз? — Мақом халқимизнинг бебаҳо маънавий мероси. Ушбу санъат

ривожланишининг узок даврини босиб ўтган, кўплаб санъаткорлар, бастакорлар унинг тадрижий тараққийётига ўз ҳиссасини қўшган.

Уларда инсон кечинмаларининг энг нозик оҳанглари жамланган. Шу сабаб мақомни ҳис қилиш, тушуниш учун маълум тайёргарлик зарур. Бунинг учун киши ёшлиқдан мусиқага меҳр қўйиши, руҳий ҳамолатини айни шу жиҳат билан боғламоғи керак.

5

Индонезияда 18 август — 2 сентябрь кунлари ўтказилган XVIII Осиё ўйинларидан мамлакатимиз спортчилари юксак ғалабалар билан қайтишди. Энг асосийси — ўн саккизинчи маротаба йирилган қитъа олимпиадасида илк маротаба ўзбек миллий кураши бўйича мусобақалар ўтказилди.



## Ўзбекистоннинг янги рекорди

Жобир ХЎЖАҚУЛОВ  
шарҳловчи

Бу барчамизга катта қувонч ва фахр бағишлайди, албатта. Спорт — миллатни, мамлакатни тез танитадиган воситалардан. Миллий спорт турининг қитъа миқёсидаги энг катта турнир дастурига киритилиши эса халқимизнинг ва давлатимизнинг тобора юксалиб бораётган нуфузидан далolatдир. Айни пайтда бу — истиқлолимизнинг меваси. Ватанимиз мустақил, халқимиз озод, юртимиз обод бўлмаганида, миллий курашимиз халқаро спорт тури сифатида жаҳонда тан олинмиши нарида турсин, истебод замонидаги каби “эскилик сарқити” сифатида тўй-ҳашаму қишлоқларнинг чанг кўчаларидаги мискин давралардан нарига ўтмай қолавериши тайин эди.

Мутахассислар фикрича, аслида дзюдо ва самбонинг негизи ҳам бевосита ўзбек курашига бориб тақалади. Зеро, ўзбек курашининг тарихи уч ярим минг йиллик довол билан бўйлашми муаррихлар битикларидан маълум. Мамлакатимиз мустақилликка эришган дастлабки йиллардан миллий курашимизни жаҳон майдонларига олиб чиқишга астойдил киришилди. Халқаро кураш ассоциацияси тузилди. Бугунги кунда дунёнинг юздан ортиқ мамлакатини унга аъзо. Осиёдан Америкага, Африкадан Австралиягача бўлган улкан маконда ўзбек миллий кураши миллионларнинг севимли спорт турига, машғулотига айланди.

8

## Халқ ҳаётига яқинлик — бош мезон

Жобир РАЗЗОҚОВ

Айни кунларда юртимиз бўйлаб Ватанимиз мустақиллигининг йигирма етти йиллик байрами қизгин нишонланмоқда. Жойларда турли маданий-маърифий тадбирлар, анжуманлар ва учрашувлар ўтказилаётир. Ана шундай тадбирлардан бири Сирдарё вилоятида ташкил этилди.

«Халқ ҳаётига яқинлик — журналист фаолиятининг бош мезони» мавзусида ўтган ушбу анжуман Ўзбекистон Журналистлари ижодий уюшмаси томонидан Сирдарё вилояти ҳокимлиги, Ўзбекистон Республикаси Олий Мажлиси Қонунчилик палатасининг Инновацион ривожланиш, ахборот сиёсати ва ахборот технологиялари масалалари қўмитаси, Республика товархот ашё биржаси, уюшманинг вилоят бўлими ҳамкорлигида ўтказилди. Унда кенг жамотчилик, марказий ва вилоят оммавий ахборот воситалари ходимлари иштирок этди. Мамлакатимизда барча соҳалар қатори оммавий ахборот воситаларини янада демократлаштириш, модернизациялаш, журналистларнинг ижодий из-



ланишларини қўллаб қувватлаш борасида зарур шарт-шароитлар яратилаётгани анжуманда алоҳида таъкидланди. Давлатимиз раҳбарининг “Ўзбекистон ижодкорларини қўллаб-қувватлаш “Илҳом” жамоат фондиди ташкил этиш тўғрисида”, “Ўзбекистон Журналистлари ижодий уюшмаси фаолиятини янада такомиллаштириш тўғрисида” ҳамда “Маданият ва санъат ташкилотлари, ижодий уюшмалари ва оммавий ахборот воситалари фаолиятини янада ривожлантириш, соҳа ходимлари меҳнатини рағбатлантириш бўйича қўшимча чора-тадбирлар тўғрисида”ги қарорлари бу борада муҳим дастуриламал бўлаётир.

3











# Навоий шаҳридаги “Фаворит люкс сервис” МЧЖ

## ХААҚИМИЗНИ ВАТАНИМИЗ МУСТАҚИЛЛИГИНИНГ 27 ЙИЛЛИК БАЙРАМИ БИЛАН САМИИЙ ҚУТЛАЙДИ.

Шундай фараҳли кунларда барчага  
сиҳат-саломатлик ва оилавий бахт тилаб,  
Ватанимиз равнақи йўлида  
амалга ошираётган эзгу ишларида улкан  
зафарлар тилайди.



ИЖТИМОИЙ ЭЪЛОН

## Истиқболли бошқарув кадрларини танлаб олиш бўйича «Тараққиёт» республика танлови

Президентимизнинг 2018 йил 30 майдаги “Истиқболли бошқарув кадрларини танлов асосида танлаб олишнинг замонавий тизимини яратиш чора-тадбирлари тўғрисида”-ги қарори асосида истиқболли бошқарув кадрларининг тизимли асосда танлаб олинишини таъминлаш, шунингдек, давлат ва хўжалик бошқаруви органлари, маҳаллий ижро этувчи ҳокимият органлари, бошқа давлат органлари ва ташкилотлари тизимида уларнинг касбий малакасини узлуксиз ошириб боришга кўмаклашиш мақсадида ҳар 3 йилда истиқболли бошқарув кадрларини танлаб олиш бўйича “Тараққиёт” республика танлови ўтказилади.

Танловда таянч олий маълумотга ва тегишли соҳада раҳбарлик лавозимида камида уч йиллик иш тажрибасига эга, 30 ёшдан 45 ёшгача бўлган (45 ёш ҳам қўшилган ҳолда) Ўзбекистон Республикаси фуқаролари иштирок этиши мумкин.  
“Тараққиёт” республика танловида талабгорлар 16 та номинация бўйича ўз соҳасидан келиб чиқиб иштирок этиши мумкин. Хусусан:

1. Давлат ва жамият бошқаруви соҳасидаги энг яхши бошқарувчи.
2. Суд-ҳуқуқ соҳасидаги энг яхши бошқарувчи.
3. Молия-кредит соҳасидаги энг яхши бошқарувчи.
4. Саноат соҳасидаги энг яхши бошқарувчи.
5. Ахборот технологиялари ва коммуникациялари соҳасидаги энг яхши бошқарувчи.
6. Кишлоқ ва сув хўжалиги соҳасидаги энг яхши бошқарувчи.
7. Архитектура ва қурилиш соҳасидаги энг яхши бошқарувчи.
8. Коммунал хўжалик соҳасидаги энг яхши бошқарувчи.
9. Солиқ ва божхона соҳасидаги энг яхши бошқарувчи.
10. Экология ва атроф-муҳит муҳофазаси соҳасидаги энг яхши бошқарувчи.

11. Таълим, фан ва инновация соҳасидаги энг яхши бошқарувчи.
12. Соғлиқни сақлаш соҳасидаги энг яхши бошқарувчи.
13. Маданият, санъат ва спорт соҳасидаги энг яхши бошқарувчи.
14. Ташқи сийёсат, ташқи иқтисодий фаолият ва туризм соҳасидаги энг яхши бошқарувчи.
15. Макроиктисодий ва ҳудудий ривожланиш соҳасидаги энг яхши бошқарувчи.
16. Транспорт ва логистика соҳасидаги энг яхши бошқарувчи.

Давлат ташкилотларида меҳнат қилаётган иштирокчиларнинг танловда иштирок этиш даврида эгаллаб турган лавозими ва ўртача ойлик иш ҳақи сақлаб қолинади.  
Танлов ғолибларига энг кам иш ҳақининг 50 баравари миқдорида, финал босқичининг қолган иштирокчиларига эса энг кам иш ҳақининг 25 баравари миқдорида бир марталик пул мукофоти тўланади. Танлов финал босқичининг қолган иштирокчилари тегишли соҳанинг бошқарув кадрлари захирасига киритилади.  
Танлов ғолиблари Ўзбекистон Республикаси Президенти ҳузуридаги Давлат бошқаруви академияси ҳамда Корпоратив бошқарув ил-

мий-таълим маркази базасида тегишли соҳага оид вазирликлар, идоралар, йирик компаниялар раҳбарлари, маҳаллий ва хорижий мутахассислар ҳамда олимлар иштирокида ўтказиладиган, ривожланган хорижий мамлакатларнинг соҳага оид ташкилотларида танловнинг тегишли номинациялари юзасидан стажировка ўташни ўз ичига оладиган «Бошқарув кадрларини тайёрлаш бўйича Президент дастури»га мувофиқ уч ойлик курсларда ўқийди.

Танлов ғолиблари «Бошқарув кадрларини тайёрлаш бўйича Президент дастури»га мувофиқ уч ойлик курсларни ўтагандан кейин тегишли йўналишлар бўйича давлат ташкилотларида раҳбарлик лавозимларига тайинланади.

Танловда иштирок этиш учун [taraqiyot-tanlov.uz](http://taraqiyot-tanlov.uz) интернет порталига кириб, рўйхатдан ўтиш зарур. Бунинг учун талабгор албатта [ONE.ID.UZ](http://ONE.ID.UZ) порталидан рўйхатдан ўтган бўлиши шарт.

Танловда иштирок этиш учун талабгорлар 2018 йилнинг 1 октяб-ридан 30 октябрга қадар онлайн рўйхатдан ўтиши мумкин. **Батафсил маълумот** [taraqiyot-tanlov.uz](http://taraqiyot-tanlov.uz) порталида жойлашган.

Мазкур порталдан рўйхатдан ўтгандан сўнг талабгор анкетаси тўлдирилади. Унда талабгор ҳақида тўлиқ маълумотлар базаси қамраб олинади.

Танлов иштирокчилари анкетада белгиланган шаклдаги ишончли маълумотни кўрсатиши шарт. Анкетага нотўғри маълумотни киритиш иштирокчининг танловдан четлатишга сабаб бўлиши мумкин.

Иштирокчиларнинг анкеталарини

ўрганиш учун ишчи гуруҳ таркиби танлов комиссиялари томонидан шакллантирилади. Ишчи гуруҳлари сони ва уларнинг аъзолари таркиби ҳар бир номинацияга тақдим этилган аризалар сонига боғлиқ ҳолда шаклланади.

Танлов иштирокчилари ўзлари томонидан тақдим этилган анкета қайси номинацияга тегишли бўлишини мустақил равишда белгилайди. Анкета кўриб чиқиладиганда ишчи гуруҳ акадрили анкетада иштирок этган шахс кўрсатган соҳадаги иш тажрибасига қараб номзодликни ўзгартиришни тавсия этиш ҳуқуқига эга бўлади.

Танловнинг веб-порталида кейинги танлов турида иштирок этувчилар рўйхати, танлов ўтказилиш кунни, жойи эълон қилиб борилади.

Веб-порталга келиб тушган анкеталар ўрганилади, талабгорлар ақлий салоҳият (IQ-тест), психологик барқарорлик, хорижий тилларни билиши, сийёсий-ҳуқуқий ва ижтимоий-иқтисодий соҳалардаги ислоҳотлардан хабардорлик даражаси бўйича онлайн тестдан ўтказилади.

Хорижий тилни билиш даражаси расмий тасдиқланган ҳақидаги халқаро сертификатлар мавжуд бўлган (B2 — CEFR (Common European Framework of Reference), 5,5 балл — IELTS (International English Language Testing System) ва 72 балл — TOEFL (Test of English as a Foreign Language) иштирокчилар хорижий тилларни билиши даражаси бўйича тестлардан озод қилинади. Ушбу иштирокчиларга танловда максимал балл қўшиб берилади.

Эзма синовлар ва стажировка босқичида онлайн тестлардан муваффақиятли ўтган талабгорлар-

га эзма таҳлилий материаллар (маъруза) тайёрлаш учун ҳар бир номинация бўйича муаммоли, амалиёт билан бевосита боғлиқ бўлган, таҳлилий фикрлашни назарда тутувчи, ҳар бири 5 саволни қамраб олувчи тезислар берилади.

Талабгорлар томонидан тегишли номинациялар кесимида 5 саволни қамраб олган мавзу бўйича тайёрланган эзма таҳлилий материалларни (маърузалар) текшириш натижасида иштирок этувчилардан 300 нафар талабгор танлаб олинади.

Талабгорларнинг гуруҳда ишлаш кўникмаси, профессионаллик даражаси ва бошқарув қобилиятини аниқлаш мақсадида тегишли давлат ҳокимияти ва бошқаруви органлари, маҳаллий ижро ҳокимияти органлари, давлат ташкилоти ва идораларига бир ойлик стажировка ўташ учун жўнатилади.

Бир ойлик стажировка ва талабгорларнинг ташкилотчилик қобилияти ва бошқарувчилик салоҳиятини аниқлашга қаратилган эзма тест синови натижаларига асосан танловнинг финал босқичига тавсия этилган 150 нафар талабгор аниқланади.

Гуруҳларда муаммоли вазиятларни (кейслар) ечиш ва суҳбат жараёни бўйича танловнинг финал босқичига тавсия этилган 150 нафар талабгорнинг рўйхати, синовлар ўтказиладиган сана, вақт, жой ва шартлари танловнинг веб-порталида эълон қилинади.

Гуруҳларда муаммоли вазиятларни (кейслар) ечиш жараёни ва талабгорларнинг ҳар бири билан шахсан ўтказиладиган суҳбат натижаларига кўра танловнинг 50 нафар ғолиби аниқланади.

## Ўзбекистоннинг янги рекорди

1

Жаҳон ва қитъа чемпионатларида «кураш», «халол», «чала», «ёнбош» «дакки» каби ўзбекча атамалар тилимизни, маданиятимизни, қадриятларимизни кенг тараннум этмоқда.

Бугун ўзбек кураши Осиё ўйинларидан расман жой олгани ва Жакартада қитъанинг энг кучли ўнлаб спортчилари — йигит-қизлар ўзбекистон яқтак кийиб, майдонга тушгани — халқимизнинг улкан ютуғидир. Бу Президентимиз Шавкат Мирзиёев изчиллик билан юритаётган адолатпарвар, халқларар, маърифатпарвар сиёсатинг юксак самараларидан дид ва бу самаралар асрашга татиғулди.

Эндиги мақсад — миллий курашимизни ёзги Олимпия ўйинлари дастуринда кўриши. Осиё ўйинларидан бошланган кўлуг қадам, умид қилмаски, яқин йиллар ичида Олимп чўққисини забт этиш имконини беради.

XVIII Осиё ўйинларига тўхталадиган бўлсак, ўзбек курашида полвонларимиз ўзларига билдирилган ишончини оқлашди. Улар баҳсларда 6 олтин, 2 кумуш ва 4 бронза медални кўлга киритишди.

Юртдошларимиз бу гал қитъа олимпиадасида медаллар жамғариш бўйича мамлакатимизнинг аввалги рекордларини тубдан янгилашди. Медаллар сони етмиштага етди. Шундан йигирма биттаси олтин, 24 кумуш ва 25 бронза медалларидир.

Тарихга назар ташласак, Ўзбекистон спорт делегациясининг Осиё ўйинларидаги энг яхши



УЗА ФОТОСИ

натijasи 2002 йилга тўғри келади: баҳсларда ҳамюртларимиз 15 олтин, 12 кумуш ва 24 бронза медалларини кўлга киритишган. Қайд этиш керакки, Индонезияда 234 нафар атлет спортнинг 30 тури бўйича Ватанимиз шарафини ҳимоя қилди. Яқунда Ўзбекистон делегацияси медаллар жамғариш бўйича 45 мамлакат ичида умумжамоа ҳисобида бешинчи ўринни эгаллади.

2 сентябрь кунин XVIII Осиё ўйинлари голиб ва совриндорларини Ислоҳ Каримов номидаги Тошкент Халқаро аэропортида вазирилик ва идоралар, спорт жамоатчилиги вакиллари, ота-оналар ва мухлислар кутиб олди.

— Осиё ўйинлари олдидан мутасаддиларнинг барча спортчилар орасидан байроқдор этиб мени тайинлашлари елкамдаги масулиятнинг ўн чандон оширган эди, — дейди бокс бўйича Осиё ўйинлари голиби Исроил МАДРИМОВ.

— Бу ишончини оқлашим керак, деган ўй бир сония ҳам мени тарк этгани йўқ. Яратганга шукр, юксак ишонч бирдирганларнинг юзини ерга қаратмадим. Юртимизга

олтин медаль билан қайтдим. Бокс мусобақаларида жанглр жуда қийин кечди. Айниқса, финал учрашувида қозогистонлик тажрибали боксчи жиддий қаршилик кўрсатди. Аммо мураббийларимнинг тўғри танлаган тактикаси эвазига рақибни мағлуб этдим. Устозларимдан, мухлисларимиздан миннатдорман. Эндиги мақсадим — Ўзбекистон байроғини Олимп чўққисига кўтариш.

Шермухаммад ЖАНДРЕЕВ, миллий кураш бўйича олтин медаль соҳиб:

— Ўзбек миллий курашининг Осиё ўйинлари дастурига киритилишининг ўзи бизга катта фахр-ифтихор бағишлайди. Қитъа олимпиадаси биринчилар қатори ўшбу спорт туридан олтин медални кўлга киритиш эса мен учун юксак шараф. Турнирда кучли полвонлар билан бел олишдим. Айниқса, Эрон, Афғонистон, Тожикистон вакиллари мухлислару мутахассисларда гоёта яхши таассурот қолдиришди. Япония, Хитой, Жанубий Корея каби мамлакатлар полвонлари ҳам ўзбек кураши усул ва услублари-

ни пухта эгаллашгани яққол сезилди. Жакартада эришган галабамни жонажон Ватаним — Ўзбекистонимиз мустақиллигининг 27 йиллик шонли байрамига бағишладим. Бу мен учун катта бахт, фарзандлик бурчимдир.

Светлана РАДЗИВИЦ, баландликка сакраш бўйича олтин медаль соҳибаси:

— Бундан аввал ҳам Осиё ўйинларида икки мартаба шохсупанинг энг юқори поғонасидан жой олган эдим. Шу боис Жакартада олтин медаль учун кураш осон бўлмастегини яхши англаб турардим. Бунинг устига, финалда ўз жамоадошим Мария Дусанова билан баҳслашдик. Бу, ўз навбатида, Ватанимиз — Ўзбекистонда муносиб спортчилар ети-

шиб чиқаётганидан далолатдир. Баҳсларда омад яна менга кулиб боқди. Марияга кейинги мусобақаларда чин дилдан омад тиламан. Осиё ўйинлари тарихга айланди. Энди «Токио — 2020» ёзги Олимпия ўйинлари йўлланмасини кўлга киритиш учун курашга чоғланишимиз керак.



# XALQ BANKI

Акциядорлик тижорат Халқ банки жамоаси

Ўзбекистон Республикаси давлат мустақиллигининг

йиллик шодиёнаси билан

барча юртдошларимизни

муборакбод этади.



Азиз ва ягона, жонажон Ўзбекистонимизнинг гуллаб яшнаши, унинг фаровонлиги йўлида Сизларни куч-қувват ҳеч қачон тарк этмасин!

Юртимиз гоимо тинч, хонадонларимиз хотиржам, гасмурхонларимиз тўкин бўлсин!

Шу билан бирга Халқ банки юртдошларимизга онлайн конверсия хизматини таклиф қилади. Сиз банкнинг ушбу хизматидан фойдаланиб: «хорижий валютани «Xalq mobile» мобил иловаси орқали инсталлан вақтда инсталлан давлатда харид қилиш; интернет тизими орқали меҳмонхона ва авиачипталарни брон қилиш; интернет дўконлари орқали харидлар ва хизматларни амалга ошириш имкониятларига эга бўласиз.



35/18

Маълумот учун: (371) 200-00-55, 120-17-70. www.xb.uz

Реклама

# Гулистон Давлат университети

Ўзбекистон халқини  
Иштиқлолимизнинг  
27 йиллик байрами билан  
қизчин табриклайди.

Юртимиз тинч, осмонимиз мусаффо бўлсин.  
Хонадонларимиздан байрам шукуҳи аримасин.



HURRIYAT

Бош муҳаррир  
Кулман ОЧИЛ

Газета 2007 йил 3 январда Ўзбекистон Республикаси Матбуот ва ахборот агентлигида 0080 — рақам билан рўйхатга олинган. Ҳажми 4 босма табоқ, Бичими — А-2. Баҳоси келишишган нарҳда

Телефон: (0-371) 244-32-68, 244-32-91  
Тел-факс: (0-371) 244-32-80  
Реклама ва маърағат бўлими: (0-371) 244-32-88

Манзил: 100129, Тошкент шаҳри, Навоий кўчаси, 30-уй.  
Elektron manzil: gazhurriyat@mail.ru; info@uzhurriyat.uz

Газета тахририят компьютер марказида терилди ва дизайн Нигора Ташева томонидан саҳифаланди.



Муассис:  
Ўзбекистон Журналистлари  
ижодий уюшмаси



Ахборот ҳамкоримиз:  
Ўзбекистон  
матбуот ва  
ахборот агентлиги

Тахририятга келган хатлар доимий эътиборимизда бўлиб, улар муаллифларга қайтарилмайди.

Адади: 2340 Буюртма — V-2308

Топшириш вақти — 20<sup>м</sup>  
Топшириш — 18<sup>м</sup>

Индекс: яқса  
обуначилар ва  
ташкilotлар  
учун — 233

Навбатчи: Уктам Абдуллаев

«O'zbekiston» НМИУ босмаҳонасида чоп этилди.  
Босмаҳона манзили: Тошкент шаҳри, Навоий кўчаси, 30-уй.